

سنة لکي در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولمق ایستینلر دأرءه عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تجارت و حقوق

حما سنجانی بدایت محکمه سی مستطقی محمود کمال
اقدینک وقوع استعفا سنه مبنی یرینه بیروت ولایتی
مرکز بدایت محکمه سی باش کاتب سابق محمد فهمی
اقدی تعیین اولنش ومومی الیه اصول مقررده
وجهله امر تحایفی اجرا ایدلمشدر.

تبلیغات

لاذقیه سنجانه ملحق صهیون قضاسی معاملات
عدلیه سنک کثرته مبنی قضاء مذ کورده بر محکمه
نظامیه تشکیلی خصوصه بالاستیدان اراده سنیه حضرت
خلاقیناهی شرف تعلق بیورنش اولسنه مبنی ایجاب
ایدن کتبه وخدمه سنک تعیینی ایله محکمه مذ کورده نک
کشادی حقنده سبق ایدن تبلیغاته جواباً بوکره بیروت
ولایتی استیناف محکمه سی مدعی عمومیلکندن آلمان
تلغرافامده بر منظوق امر وفرمان هایون ایجاب
حالك اجرا وبووسیه ایله دخی ادعیه مفروضه ولی
نعمت بمنت اعظمینک رفع بارکاه جناب کبریا قلندینی
بیان واشعار اولنمشدر .

اعلامات جزائییه ایله محکوم مصارف محاکمه نک
ایفاسندن امتناع ایدنلرک جزا قانوننک اون برنجی
ماده سی موجبنه حبس ایله تضییق اقضا ایدرایسه ده
حبس مدتی تعیین قلمماش اولدیغندن واجرا قانونه
توفیق معامله ایدلمسی حالنده بر شخصک محکوم اولدینی
بر هفته حبس جزاسنی اکمال ایتدکن صکره برقاج
غروشدرن عبارت مصارف محاکمه ایچون طقسان بر
کون حبس ایدلمسی لازم کله رک بوایه فرعک اصله
تجاوزنی وخزینه نک اتفاق جهندن اضرارینی مستلزم
اوله جغندن بخله استفسار معامله ده دأر زور سنجانی
بدایت محکمه سی ریاستندن وقوعبولان اشعاره ، اعلامات
جزائییه ایله محکوم جزای نقدی ومصارف محاکمه نک

محاکمات و مقررات

بر مقتولک اشخاص متعدده طرفندن آیلان
قورشونلردن قنغیسنک تأثیریه وفات ایتدیکی
تعیین ایدمه مامسی اوزرینه متهملرک قتل قصدیه
سلاح انداخت ایتک جریمه محکومیتلری جهتنه
کیدلمسی نقض حکمی مستلزم بولندیغنه دأر
محکمه تمیز جزا دأر سندن اعطاقلتان ۷ مایس
سنه ۳۱۷ تاریخی اعلامک صورتیدر :

حلب ولایتی استیناف محکمه سی جزا دأر سندن
صادر اولان ۳۰ تشرین اول سنه ۳۱۶ تاریخی
واوتوز درت نومرولی اعلام واوراق متفرعه سی
باش مدعی عمومیلک مأموریت بهیه سندن ۱۱ کانون
اول سنه ۳۱۶ تاریخی واوچیک الی یوزسکسان الی
نومرولی تبلیغامه ایله محکمه تمیز جزا دأر سنده
ارسال اولنغله مطالعه قلندی.

اعلام مذکورک خلاصه مالی باشمسی قریه سی
اهالیسندن موسانک کیفیت قتلندن طولانی
جنايته متهم اولوب غیاباً محکوم بولنان محمد ودباب
ومرشد نام اشخاصک اخیراً دردست اولنملری اوزرینه
جریان ایدن محاکمه وجاهیه لری نتیجه سنده مرقو -
موندن محمدک مجهول الاحوال رفیق لریله مقتول
مرقوم موسایه قورشون انداخت ایدرک قتل ایدلکری
وقف هانکیسنک قورشونک تأثیرندن وفاتی وقوع
بولدینی تعیین ایدمه دیکنندن قتل قصدیه سلاح انداخت
ایتمک فعلیه مجرمیتنه وجزا قانونامه هایوننک یوز
سکسانجی ماده سنه توفیقاً بش سنه مدته کورکه
قونلسنه ودبابله مرشدک برائتیرینه حکم اولندیغنی
حاویدر.

تبلیغامه ده دخی اعلام مذکورک موافق قانون
اولدینی بیان اولنمشدر.

حکم جنائیدن طولانی تدقیقات تمیزیه اجرا
اولندقد تبلیغامه ده هر نه قدر اعلام مذکورک موافق

نقبره مدیه احکامنه اجرا قانوننه توفیقاً تحصیلی
مقتضی وقانون مذکور ایجابجه حبس مجرد مدیون
متمرد حقنده اجرایی لازم کلان بر معامله انتباهیه
ایدوکی بدیهی اولسنه نظراً بشقه یولده معامله اجراسنه
محل اولیوب قانون مذکور احکامنه توفیق حرکت
اولنق اقتضا ایدمه جکی جوابی انجمن عدلیه افاده سیله
۱۶ تشرین اول سنه ۳۱۷ تاریخی ذکر اولنان ریاسته
تبلیغ ایدلمشدر.

اصول محاکمات جزائییه قانوننک یوز اوتوزنجی
ویوز سکسان دردنجی ماده لرنده حق اعتراض
واستینافی اولانلر میاننده قضا لرده بولنان مدعی
عمومی معاوئلری وکیللری نک ذکر اولنمامسندن
استنباط اولنان معنای انحصاره بناءً محاکمه بونلر
جانبندن اعطاقلتان اعتراضامه لرله استیناف استدعا -
لری رد ایدلمکده اولنغله بعد اذین مخالف قانون
احوال وقوعنده اصلاحنه تشبث اولنق اوزره ترتیب
ایدیلان جدولیه ترقیم و اشارت ایدلمسی اصول اتخاذ
قلمش اولدینی حالده عدلیه مفتش لری جانبندن بو
اصول خلاصه معاوئلری وکیللری نک قبول اعتراض واستدعا
لری تنبیه ایدلمسی اوزرینه اختلاف آرا حاصل اولدیغندن
بخله مقتضاسنک تعیینی حقنده ارضروم استیناف
محکمه سی مدعی عمومیلکندن وقوعبولان اشعاره
قضا لرده بولنان پولیسر مدعی عمومی معاوئلری نک
مکلف اولدقلری وظیفه قانونیه یی اجرا ده وکیلی
بولنق حسدیه آنلرک اجرا ایتدکری معاملاتی اجراه
بونلرکده صلاحیتی اوله جکی درکار بولنسنه بناءً
قضا لرده بولنان معاوئلری وکیللری نک اصللری مثلاً
حق اعتراض واستیناف لری بولنغله واقع اوله جکی
اعتراض واستینافک هیات اتهامیه ویاخود محاکمه
رد ایدلیدی صورتده اولباده کی قرارک طریق قانونیه
توفیقاً تمیزه بالمراجعه اصلاح ایتدیرلمسی لازم کله جکی
جوابی انجمن عدلیه افاده سیله ذکر اولنان مدعی
عمومیلک تبلیغ اولنمشدر.

قانون اولدیفی بیان اولتیورسدهده میدانده برمقتول اولسنه نظرآ متهم مرقومک قتل قصدیه تشبیرسلاح فعلیه تجریم ایدلمسی حکم قانونه مغایر اولوب بناء علیه تعیین ایدیلان نوع جرمده اصابت کوریه مدیکندن اصول محاکمات جزائیة قانوننامه هاینونک اوچیوز اون دردنیجی مادهسنه توفیقاً اعلام مذکورک بوجهندن تقضیه واوراقلک محله اعاده سنه وایکی یوز غروش تمیز اعلامی خرجسک تحصیلنه ۷ مایس سنه ۳۱۷ تاریخنده قرار ویرلدی.

پایس قضاسنک عزه شیمه قریه سی اهالیسندن بکنشای عمری جرح و قتل ایلدیکی ادعا اولمنسندن طولانی جنایتله اتهام اولان قریه مذکورلی لاقوفی نیده نك اون بش سنه مدته کورک قونلسی حقتده جبل برکت سنجاغی بدایت محکمه سی جزا دائره سندن ویریلان ۹ نومرولی اعلامک ۱۶ تموز سنه ۳۱۷ تاریخنده تصدیقه

آقوولی تحصیلدار درویش ماقدی بی قتل ایتدیکی ادعاسیله غیاباً محکوم اولان حلیمه معاونت اتمک فعلیه متهم بولتان سابقو فچه قریه سی اهالیسندن روشو و برادری موله نك اوچر سنه مدته کورک قونلیرینه دائر یکی بازار سنجاغی بدایت محکمه سی جزا دائره سندن ایکنجی دفعه اوله رق ویریلان ۱۱۴ نومرولی اعلامک ۹ تموز سنه ۳۱۷ تاریخنده تصدیقه

چکل کوبلی تحسین افندی کتله معاونت ایلدی کوری ادعا اولمنسندن طولانی جنایتله متهم بولتان یوزغادلی محمد بن شریف و آستانلی بکر بن کاملک اون بشر سنه مدته کورک قونلیرینه دائر درسعادت جنایت محکمه سندن ایکنجی دفعه اوله رق اعطا قلتان ۲۱۲ نومرولی اعلامک ۶ ایلول سنه ۳۱۷ تاریخنده تصدیقه

حیانه قضاسنک ولی همتلی قریه سندن خلیل اونباشنک قتل قصدیه کیفیت جرحندن طولانی جنایتله اتهام اولان ترکمن اوغلی ولینک اوچ سنه مدته وضع کورک ایدلمسی حقتده آقره ولایتی استیناف محکمه سی جزا دائره سندن ویریلان ۴۸ نومرولی اعلامک ۱۰ تموز سنه ۳۱۷ تاریخنده تصدیقه

مالزکرد قضاسندن حسونک قتل اولمنسندن طو لای جنایتله متهم بولتان رنجیر علینک اون بش سنه مدته کورک قونلسنه دائر موش سنجاغی بدایت محکمه سی جزا دائره سندن ویریلان ۱۷۰ نومرولی اعلامک ۲۴ نیسان سنه ۳۱۷ تاریخنده تصدیقه

یکجه قصبه سی اهالیسندن محمود ایله زوجیه سی الماسی ضرب وسعید اوغلی زنجی علی بی روولور قورشونیه جرح و قتل ایلدیکی ادعا قلمسندن طولانی

جنایتله اتهام اولان قصبه مذکوردهن احمد اوغلی حاجی خلیل افندی کون بش سنه مدته کورک قونلسنه دائر کولمجنه سنجاغی بدایت محکمه سی جزا دائره سندن ویریلان ۵۶۰ نومرولی اعلامک ۱۶ تموز سنه ۳۱۷ تاریخنده تصدیقه

برادری قضاسنه تابع مکنس قریه سندن موسی بن ماهوی قتل قصدیه جرح ایتدیکی ادعا قلمسندن طولانی جنایتله اتهام اولان تنور قریه بی تمو بن یوسف بوزونک اوچ سنه مدته کورک قونلسی حقتده سرحد سنجاغی بدایت محکمه سی جزا دائره سندن ویریلان ۳۱۱ نومرولی اعلامک ۳۰ جزیران سنه ۳۱۷ تاریخنده تصدیقه

آطه بازارینک ایحیلار قریه سندن قاضی اوغلی علی رضانک خانه سی باصقم صورنیله جرح و قتلندن و محل وقعه ده بعض اسلحه اخذ و غصبندن طولانی جنایتله اتهام اولان قایلر قریه سندن طاقو اوغلی ژاقونک اون بش و مرقومه معاونتده بولمش اولان بالابان اوغلی مصطفی ایله کرد سیدک دردر سنه مدته کورک قونلیری حقتده اذمید سنجاغی بدایت محکمه سی جزا دائره سندن ویریلان ۱۹۰ نو مرولی اعلامک ۳۰ اغستوس سنه ۳۱۷ تاریخنده تصدیقه

سلطان بری قضاسنک تری اورن قریه سندن حسین اوغلی حسن و برادری محمد ایله قره کوزلر قریه سندن خلیل اوغلی ملا محمدک انشای راهده اوکلیرنه چقه رق اشیارینی اخذ و غصب ایتسندن طولانی جنایتله اتهام اولان قیطی صالح اوغلی حسین و ابراهیم اوغلی قیطی طورمشک اوچر سنه مدته کورک قونلیرینه دائر ادرنه ولایتی استیناف محکمه سی جزا دائره سندن ویریلان ۱۳۶ نومرولی اعلامک ۸ اغستوس سنه ۳۱۷ تاریخنده تصدیقه

آخصار قضاسنه تابع مرمره ناحیه سندن شریف زوجیه سی فاطمه یه جبراً فعل شیع اجرا ایتسندن طولانی صورت قطعیده درت سنه کورک جزاسیله محکوم اولان ناحیه مذکورلی حاجی ملازم اوغلی حسن بن خلیلک غرباخسته خانه سنک محبوسینه مخصوص دائره سندن فرار ایتدیکی ثابت اولدیغندن اکال مدت ایتدیکی تاریخندن اعتباراً مدت محکومه سنک ثلثی اولان برسنه درت ماه مدته کورک قونلسی حقتده صاروخان سنجاغی بدایت محکمه سی جزا دائره سندن ویریلان ۲۳۰ نومرولی اعلامک ۲۳ جزیران سنه ۳۱۷ تاریخنده تصدیقه محکمه تمیز جزا دائره سنجه قرار ویرلشدر .

اورنه کوبده یکی محله ده ساکن خردیموسی ضرب

ایدن کوچوک آبازمه ده ساکنه النی چاقونیا نك بر هفته حبسنه

قار اوینادقلری ثابت اولان قالیونجی قولغندده کلیسا زقاغندده ایکی نومرولی خا نه ده ساکن قپودان یورکی ایله تری قوجو وطاشچی آتسپاشدن بشر بشلک جزای نقدی اخذینه

اورنه کوبده مقیم خرستو ایله قیوچجی دیمترینک یکدیگری ضرب ایلدی کوری اکلا شلدیغندن برر هفته حبسلرینه

طاطاولی چالغیجی نیقولینک فریده ده ساکنه النی بی ضرب و جرح ایلدیکی ثابت اولدیغندن بر هفته حبسنه

ژاندارمه تیمور اغانی ضرب ایلدیکی ادعاسیله مظنون بولتان یوز باشی توفیق افندی کیری کون و مرقوم تیمور اغایه تشبیر سلاح ایدن اداره مخصوصه واپورلرنده قاروط حمدی افندی کون دخی برآی حبسلرینه مصطفی رمزی افندی به اطاله لسان ایلدی کوری ادعاسیله مظنون اولان باغالتییده چن زقاغنده مقیم اغوب و زوزف کیری سی زاروهیدن بر آلتون جزای نقدی اخذینه

بغوصی ضرب ایلدیکی ادعاسیله مظنون اولان باغالتییده مقیم املاک دلالی کر قور صارپانک بر هفته حبسنه

خلاف تنیه اوله رق نکاح عقد ایدن قلیج علی جامع شریفی حولیسندده یازیجی خلیل محرم افندی بن بش بشلک جزای نقدی اخذینه

فاتح قره غولخانه سنده مستخدم پولیس سیویل مأمورلرندن عبادده محمد افندی بی ضرب ایلدیکی ادعا سیله مظنون اولان شهرامنی محله سنده ساکن کوفه جی کوستنجه لی محمد بن احمدک اون بش کون حبسنه

کوفه جی علائیله مصطفی بن عثمانی جرح ایدن مرکب سورنجیسی قیصریه لی صالح بن حسینک اون کون حبسنه

قهوه جی محمد اغا ایله شهراماتی چاوشلرندن یوسف افندی به اطاله لسان ایدن صالحک اون بش کون حبسنه

تجاردن علکسیادی ولد قسطنطنیک محمود باشاده چوراججی خانی دروندنک معازمه سندن وقوع بولان سرقدن طولانی مظنون اولان مناستری نیقولی ولد بنا کینک آلی ای حبسنه

میخانه جی چراغی یانیله خرستو ولد استاوری بی ضرب و جرح ایدن مناو حسن بن اسماعیلک برآی حبسنه

کتبه دن محمد شوکت یکی ضرب ایلدیکی ادعا اولتان کذلک کتبه دن رشاد بکدن بر آلتون آله رق مضروب ویرلسنه

شمندو فرما کنستلرندن و اوستریا دولتی تبعه سندن موسیو ویتالینک زوجیه سنه ایله صارقندیلیق ایلدیکی ثابت اولان قونیه لی یاسف ولد افتادک بر ماه حبسنه

بک اوغلنده ساکنه آلمیانی ضرب و جرح ایلدیکی ادعاسیله مظنون بولتان دیدونک بر هفته حبسنه

دیمتری نام شخصک اجرا قلتان محاکمه سی نتیجه سنده سرسریلیک تحقق ایتدی کندن سرسری نظر - منامه سنک اوچنجی ماده سی موجبنه بر ماه حبسیله ضابطه جه تنسیب قلمه جق محله طرد و تبعیدینه

قاسم باشاده واقع بولس خانی او طه باشیسی سلیمانک اضرار قصدیه دین سندی چاک ایلدیکی ثابت اولان قهوه جی یورکینک بر سنه حبسیله برابر بر یوزلک آلتونی جزای نقدی اخذینه و سندن بدلتک دخی تضمین ایتدیرلسنه

فری قریه سی روم مختاری خرستو قره یانی به محل ناموس سبوز سویلیدیکی ادعاسیله مظنون بولتان مرانغوز باقونک ایکی کون حبسنه

آینه لی چشمه ده قهوه جی دیمترینک اشیا سی سرقت ایدن بک اوغلنده برmq قپوده ساکن آنستی ولد باقونک اوچ ماه حبسنه و برسنه ضبطه نظارتی آلتنده بولندیرلسنه

رخسار خاتمی افندی به محل ناموس سوز سویلیدیکی ادعاسیله مظنون بولتان صوچی اصنافندن خورشیددن بر لیرای عثمانی جزای نقدی اخذینه

خاصکوبیده مقیم مرانغوز خرملونک قوزمه بی ضرب و جرح ایتدیکی ثابت اولدیغندن اون بش کون حبسنه

سکر باشنده باتریقونک مجروحیتیه سببت ویردیکی ادعاسیله مظنون اولان بارکی سورنجیسی سلیمانک بر هفته حبسنه و مصارف جراحیه اولان اوچیوز غرو شک تحصیلیه مجروحه اعطاسنه

اسماعیلی ضرب ایدن طومه ایله لامبو و خرستودن برر آلتون آله رق مضروب و اعطاسنه

بر شخصه تشبیر سلاح و کندیسنی در دست اتمک ایستین پولیس مأمورلرندن حسین و اسماعیل حق افندی لره اجرای مأموریت خالنده حقتارت والسه سی بیرتمغه جرأت ایدن کر قور ولد داویدک ایکی ماه حبسنه درسعادت بک اوغلی واسکدار بدایت محکمه لری جزا دائره لرینجه قرار ویرلشدر .

مخبرانیان ادبیه

خرینه جللیه ایله اولوبورلی ناحیه سندن عبادده بئنده نکون ایدوب قونیه ولایتی استیناف محکمه سی

حقوق دائره سنده در دست رؤیت بولتان اعشاره کفالتدن متولد ذمت دعواسندن طولانی اعضای محکمه دن اوقیانوس افندی کون خلاف قانون حرکتی اولباده اجرا ایتدیریلان تحقیقات اورا قندن اکلا - شلمسیله مرقوم عبادده حقتده دخی معامله قانونیه اجرا ایدلک اوزره اعضای موسی الیه ک محاکمه آلتنه آنستی لزومی محکمه مذکورده مدعی عمومیلکنه تبلیغ اولمشدر .

اعلانات

درسعات استیناف محکمه سی مدعی عمربیلکندده :

اوچیوز اون بش سنه سی تشرین نایسک التنجی جمعه ایرتسی کیجی غلطه ده لاله لی چشمه ده مادام به نك مستاجر اولدی بی اوچ نومرولی آپارتمانک اوست قاتنده کی او طه ده بولتان اشیا سی سیغورطیه وضع ایدرک بالاخره بدلتدن استفاده اتمک مقصدیه ایقاع حریقّه تصدی ایتدیکی ادعاسیله مظنون اولان مذکور آپارتمان مستاجری اوزونجه بولی . مائی کوزلی ، قمرال صاج و قاشلی ، بیوک اغزلی . صاری بقی . مطروش چکلی . دوز آیللی ، بیاض بکرنی . یکری سکر باشنده موسوی هاتانل ولد مناسم فرار ایتسندن و حقتده اجرا اولتان تحقیقات اوزرینه هیئت آتیه مندن جنایتله اتهامه قرار ویرلسندن ناشی اصول محاکمات جزائیة قانونک اوچیوز یتش برنجی ماده سی موجبنه معامله مقتضیه ایفا و محاکمه غیا - بیه سی بالا اجرا مرقومک قانون جزانک یوز التمش دردنیجی ماده سنک صوک فقره سی حکمه توفیقاً بش سنه مدته کورک قونلسنه و او تیز برنجی ماده قانونیه منطوقجه حقوق مدیه دن اسقاط قلمسندن و ذاتاً مجزیه قرار ویرلش اولان اموالنک ذکر اولتان اصول محاکمات جزائیة قانونک اوچیوز یتش بدنیجی ماده سی موجبنه اداره ایتدیرلسنه محکمه جنایتدن حکم اولمش و ماده مذکورده ایله اصول محاکمات جزائیة قانونک اوچیوز یتش سکرزنجی و اوچیوز سکسان برنجی ماده لری و مواد سارنه سی احکامنه توفیق معامله اولمشی مرجعه بیلدیرلش اولغله اعلان کیفیته ابشار قلندی .

ادیه بدایت محکمه سی جزا دائره سنده :

بیک اوچیوز اون آلی سنه سی شپانک یکری ایکنجی کونی آطه بازاری قضاسنک قیوچجی محله سندن بغوص اوغلی بدروس و مخدومی وارطانک انشای

راهنده اوکارینه چیهرق معامله جبر و شدت اجرا-
سیله تقود وبارگیرلرینک غصبندن طولانی مظنون علیه
اولوب درسعادت هیئت اتهامیهسندن جنایتله حقنده
اخذ و گرفت مذکرهسی ویرلمش اولان و حال فرارده
اولوب اوراق تحقیقهده اشکالی غیر مضبوط بولنان
کیوه قضاسی قراسندن علی افندی اوغلی عمر آلان
اله کچوریه مامش اولمندن ناشی اصول محاکات جزایه
قانوننک اوچوز یتش برنجی مادهسی موجبجه قانونه
اطاعتله محکمهیه کلبی ایچون طرف ریاستدن مجدداً
اون کون مهل ویرلمش اولدیغندن مدت مذکوره
ظرفنده اثبات وجود ایتدیکی حالده محاکمهسی غیاباً
بالاجرا حقوق مدنیهدن اسقاط واموالی حجز ایدیه-
جکی و بوبابده مرقومک برکونه دعوی اقامهسنة حتی
اوله میه جکی کبی مرقومک بولندیکی محلی بیلنلر خبر
ویرمکه و بالجمله ضابطه عدلیه مأمورلرینک مرقومی
در دست ایتمهک مجبور بولندقلری اعلان اولنور .

در رسالت ایلنجی حقوق محکمه سنده:

نعلبند متوفی حاجی محمد علی اغانک حال حیاتنده
سراجخانهده دولکرزاده خواجه شمس الدین محله سنده
دوه خانی زقاغنده اون بش نومروایله مرقم متصرف اولدیکی
نصف حصه نعلبند کدکنی وفاء فراغ ایله صندوقی
الحاج ابراهیم اغا تقود موجوده سندن ومتولسی
یدندن اخذ واستدانه ایتدیکی درت بیک غروشک
مع فائض ومصارف محاکمه استیفا سی ضمننده مفروغ
نصف حصه کدک فروختی ومدیون متوفای مرقوم
حاجی علی اغانک ورثه کبارندن سراجخانهده دولکر
زاده خواجه شمس الدین محله سنده دوه خانی
زقاغنده ۱۱ نومرولی خانهده مقیم ایکن الیومقامتسکا-
هلری مجهول بولنان نعلبند حاجی محمد علی اغا زاده
مظهر افندی ایله همشیرهسی بدریه خانم اصول محاکمه
حقوقیه قانوننک یکر می آلتنجی مادهسی حکمنه
توفیقاً معامله تبلیغه نک اجرا وغزته لرله ده اعلانی
متولی وقف ابراهیم ادهم افندی طرفندن باستدعا
طلب اولنقدن ناشی ماده مذکوره حکمنه توفیقاً تبلیغ
عد اولنقی اوزره املا ایدیلان دعوتیه ورقهسی
درسعادت بدایت محکمهسی ایلنجی حقوق دائرهسی
دیوانخانه سنده تعلیق ایدلمش وامر محاکمه نک اشبو
بیک اوچوز اون یدی سنهسی شهر تشرین ثانیسنک
اوننجی جمعه ایرتسی کونی ساعت بشده اجرایی
مقرر بولنش اولغسله مدعی علیهما مظهر افندی
وبذریه خانم یوم ووقت مذکوره بالذات محکمه
مذکورهیه کلمکلی ویاخود اصولی دائره سنده بر
وکیل کوندردمکلی حالده قانون مذکورک یوز قرق

بشنجی مادهسی موجبجه مدعینک طلبیه بروکیل
مسخر تعین اولنهرق غیاباً رؤیت دعوی ایدیه جکی
اخطار اولنور.

تجارت بحریه محکمه سنده:

چارشوی کیرده قالباخیلر باشنده تحقیقه دکاننده
اجرای تجارتله مشغول ایکن افلاسه قرار ویرلمش
اولان مصطفی غالب افندی ذمتنده آلاجنی اثبات
ویا موقتاً قبول وقید ایتدیرمش اولان آله جقلیلرک
قانوننامه تجارتک ایکی یوز اون برنجی و آتی ولی ایدن
مادهسی موجبجه مفلس مرقوم طرفندن تکلیف
اولنه حق قونقورداتونک مذاکره سیچون اشبو تشرین
ثانیسنک اوننجی جمعه ایرتسی کونی ساعت یدی راده لرنده
محکمه تجارت بحریه نک افلاسه مخصوص اوطه سنده
ککلی اعلان اولنور . فی ۳ تشرین ثانی سنه ۳۱۷
ژوژ قومیسر

ایوب صبری

ایلنجی محکمه تجارنده:

درعلیهده چارشوی کیرده زنه جیلر ذقاغنده
اجرای تجارت ایدن مویلیاجی اسماعیل حق وشریکی
فخری افندیلرک ۳۰ تشرین اول سنه ۳۱۷ تاریخندن
اعتباراً افلاسه ومعاملات افلاسیه نک ایفاسی ضمننده
اعضای محکمه دن فضیلتلو نجم الدین بک ژوژ قومیسر
ودعوی وکیللرندن فضیلتلو محمود ماهر افندی ایله فلهلی
کال افندی موقت سندیک تعیننه ومفلس مرقومانک
تجارتکاهنک تمهیریه کندی وفاملیارینه الزم قسمنک
تقریقندن صکره متباقی اشیای بیتهرلرینک ثبت دفتر
ایدیه لرک محافظه سنده واشبو قرارک موقتاً اجراسنه
درسعادت ایلنجی تجارت محکمه سندن قرار ویرلیدیکی
جهتله قانوننامه تجارتک ۱۷۰ نجی مادهسی موجبجه
مفلس مرقومان ذمتنده آله جکی اولانلرک موقت سند-
یکلرک اصلته تحویلی ویاخود یکیدن سندیک انتخاب
وتعیینی حقنده مومی ایله ژوژ قومیسر بک ایله
استشاره اولنقی اوزره اشبو ۱۳۱۷ سنهسی تشرین
ثانیسنک اون بشنجی پنجشنبه کونی ساعت یدی
ایلنجی تجارت محکمه نک افلاس اوطه سنده ککلی
اعلان اولنور . فی ۳۱ تشرین اول سنه ۳۱۷

غلطهده بالق بازارنده قورشونلی خانه غاز و نفت
تجارنیه مشغول موریس له بوویچک ۵ تشرین ثانی سنه
۳۱۷ تاریخندن اعتباراً افلاسه ومعاملات افلاسیه نک
ایفاسی ضمننده اعضای محکمه دن فضیلتلو نجم الدین
بک ژوژ قومیسر ودعوی وکیللرندن مارقو اروش
افندی موقت سندیک تعیننه ومفلسک تجارتکاهنک

تمهیریه کندی وفاملیارینه الزم قسمنک تقریقندن
صکره متباقی اشیای بیتهرلرینک ثبت دفتر ایدیه لرک
محافظه سنده واشبو قرارک موقتاً اجراسنه درسعادت
ایلنجی تجارت محکمه سندن قرار ویرلیدیکی جهتله
قانوننامه تجارتک ۱۷۰ نجی مادهسی موجبجه مفلس
مرقوم ذمتنده آلاجنی اولنلرک موقت سندیکلرک
اصلته تحویلی ویاخود یکیدن سندیک انتخاب وتعیینی
حقنده مومی ایله ژوژ قومیسر بک ایله استشاره
اولنقی اوزره اشبو ۱۳۱۷ سنهسی تشرین ثانیسنک
۱۹ نجی بازار ایرتسی کونی ساعت یدی ایلنجی
تجارت محکمه نک افلاس اوطه سنده ککلی اعلان
اولنور . فی ۵ تشرین ثانی سنه ۳۱۷

محکمه تجارت امرا راره سنده:

بالقخانه نظارتک بوزاجیان حاجی عوادیس ذمتنده
محکمه تجارت اعلامیه آلاجنی اولان آتیه نک تسویه
سیچون مدیون مرقومک بوغاز ایچنده استیه قریه سنده
محمد چاوش محله سنده استیه جاده سنده ۵۶ و ۵۸ و ۶۰
و ۲ و ۴ نومرولرله مرقم یکدیگرینه متصل خراب
وکهنه اخشاب مقدما بش والیوم درت باب دکان ایله
ینه محل مذکورده ۸ و ۱۰ و ۱۲ نومرولرله مرقم
علی التخمین بیک زراع عتیق مقداری برقطعه عرصه
وکورکچی بائی محله سنده حوضلی بوستان موقعنده
دره زقاغنده بر نومرولی اشجار شمیره وغیر شمیره یی
حاوی علی التخمین اوتوز بش دونم مقداری مع ترا
باغ بوندن اقدام موقع مزایدهیه قونیه لرک عثمانلی
ایرایی یوزغروش حسابیه درت باب دکان ایله عرصه
اوج بیک ایکی یوز غروشهده مع ترا باغ اون بش
بیک اوچوز غروشهده طالی عهده سنده قالمش
وتاریخ اعلانندن اعتباراً اوتوز برکونه یعنی کله جک
کانون اول رومینک اوچنجی بازار ایرتسی کونی ساعت
اونه قدر یوزده بش ضم قبول اولنقی و ذکر اولنان
یوم وساعتهده صوک مزایده لری بالاجرا قرار قطعیلری
ویریه لرک طالبلری عهده لرینه کچورلسی مقرر بولنش
اولدیغندن و آندن صکره هر نه ضم وقوع بولورایسه
قبول اولنیه جغندن مذکور املاکه یوزده بش ضعیله
طالب اولنلرک ودها زیاده معلومات المقی ایستیانلرک
مدت مرقومه ظرفنده بدل مزایده نک عشرینه
مساوی بی آتیه سیله برابر محکمه تجارت اجرا دائره سنده
مراجعت ایللری ویوم ووقت مزبورده مذکور
املاک پیشکاهنده حاضر بولنلری دائره مذکورده دن
اعلان اولنور . فی ۷ تشرین ثانی سنه ۱۳۱۷